

B5H-32

R2. 96

Rrugë
dhe dritë në malësi

891.983-32

S

R2. 96 BIBLIOTEKA E RINISË

RRUGË DHE DRITË NË MALESI

(Përbledhje reportazhesh, artikujsh dhe tregimesh mbi ndërtimin e rrugës së Malësisë së Madhe)

2203 5-6+2
BIBLIOTEKA E SHTETIT
BULGARI

SHTËPIA BOTUESE «NAIM FRASHËRI»

NJË SIHARIQ I RI!

Një sihariq i ri! Partia i besoi rinisë një ak-sion tjetër të madh — ndërtimin e rrugës automobilistike të Malësisë së Madhe. Ky është një lajm gazmor për gjithë rininë tonë punëtore, fshatare, shkollore; për rininë e ushtrisë dhe për malësorët trima të krahinave të Veriut. Kjo është një shprehje tjetër e besimit të madh që ka partia ndaj brezit të ri, trashëgimtar i denjë i traditave të shkëlqyera të popullit dhe të rinisë sonë, në luftë e përpjekje për ndërtimin e lulëzimin e Shqipërisë së re. Ky lajm mbush me krenari e gëzim mbarë rininë për besimin e madh që tregon partia në forcën dhe gatishmërinë e brezit të ri. Brezi i ri falënderon thellësisht partinë për këtë besim, dhe e siguron se fjala e saj është trumpetë sulmi.

Kongresi V historik i Partisë na hapi horizonte të reja, na frymëzoi dhe, nën thirrjen e partisë, rinia u ngrit në këmbë. Mijëra vullnetarë u ngjitën e do t'u ngjiten kodrave e maleve për t'ë hapur taraca e për t'i bërë të begatshme. Qindra të rinj e të reja nga Shkodra, Elbasani, Vlorë e Tirana, pararoja e lavdishme e një ndër-

marrjeje të madhe, ju drejtuan kooperativave të reja malore për të punuar e jetuar një deri tri vjet së bashku me malësorët, për lulëzimin e krahinave të thella. Turni i parë i brigadave vullnetare ka 7 javë që nisi punën e po punon me vetëmohim për ndërtimin e hekurudhës Rrogozhinë-Fier. Pa mbaruar akoma turni i parë në aksionin e madh të hekurudhës, partia shpall aksionin e dytë të madh.

Me 1 prill në drejtim të Fushës së Myzeqesë, për më hekurudhën Rrogozhinë-Fier, niset turni i dytë me 5000 të rinj e të reja. Po me 1 prill, në drejtim të maleve të Veriut, për ndërtimin e rrugës automobilistike të Malësisë së Madhe, niset turni i parë me 1100 vullnetarë, e pas tij do të niset vargu i brigadave të tjera me 5200 vullnetarë e vullnetare.

Nderi për të hedhur kazmat e para në këtë aksion të madh u takon brigadave vullnetare nga Shkodra, Tropoja, Kukësi, Puka, Rrësheni, Burreli, Dibra, Lezha, Kruja dhe Durrësi, ku shumica e vullnetarëve do të jenë të reja.

Ndërtimi i kësaj vepre të re, ku do të derdhin djersën mijëra të rinj e të reja të terrenit dhe të ushtrisë, do të jetë një monument tjetër i heroizmit dhe i vetëmohimit të brezit të ri. Ndërtimi i rrugës automobilistike të Malësisë së Madhe, ashtu si rruga Kukës-Peshkopi, Rruga e Driftës, ndërtimi i hidrocentraleve dhe hekurudhavë, është një aksion me rëndësi të gjithanëshme. Ajo jo vetëm që do të shpjerë në këto zona të thella malore të vendit përparimin e atdheut tonë socialist, por do të ngrejë në një shkallë akoma

më të lartë traditat e shkëlqyera të punës e të heroizmit të brezit të ri, që nën udhëheqjen e partisë, marshon përpëra në rrugën e fitoreve e sukseseve të pandalshme. Akteve të pavdekshme të guximit, trimërisë dhe heroizmit të vinteve të Luftës nacionalçirimtare, të viteve të rindërtimit dhe të ndërtimit të jetës së re, gatishmërisë dhe vrullit revolucionar që ka shpërthyer në mbarë rininë e vendit tonë, do t'i shtohen dhe akte të tjera të lavdishme për të vënë në jetë programin madhështor që aprovoi Kongresi V i Partisë. Atje, në bjeshkët e larta, do të kaliten e farkëtohen me frymën e lartë revolucionare mijëra e mijëra të rinj e të reja.

Aksioni i ndërtimit të rrugës automobilistike të Malësisë së Madhe do të bëhet, ashtu si dhe aksionet e tjera, një shkollë e madhe e jetës. Në punë e sipër, në luftë me vështirësitë e pengesat, vullnetarët e vullnetaret e aksionit të ri do të shtojnë edhe më tepër dashurinë për punën, për njerëzit e punës, do të forcojnë gjithnjë e më tepër ndjenjën e kolektivitetit dhe përpjekjet për të vënë mbi të gjitha interesat e atdheut e të popullit. Atje, në aksion, në praktikën revolucionare për ndërtimin e Shqipërisë së re, rinia do të skalisë e do të zhvillojë më tej tiparet e njeriut i vërtetë.

Së shpejti flamujt e brigadave vullnetare do të valëviten dhe në bjeshkët e shpatet e larta të Malësisë së Madhe, për të realizuar kështu një ëndërr shekullore të të gjitha fshatrave të kësaj zone të largët. Në Malësinë e Madhe, në këto ma-


le e shkrepa, ku bajraktarët e kanunit nuk sill-nin tjetër gjë përveç vuajtjeve e mjerimeve të padëgjuara, vullnetarët e rinisë, me porosinë e partisë, do të ndërtojnë rrugën e re, e cila do të çojë atje përparim e kulturë. Rruga e re automobilistike, së bashku me ndihmat e tjera të gjith-anshme që partia u jep krahinave malore, është një dhuratë e re e kujdesit të partisë e të qeverisë për zhvillimin e përparimin e shpejtë të fshatrave të malësisë.

Vendet nga do të kalojë kjo rrugë e gjatë në për malësi, janë dëshmitare të sa e sa ngjarjeve, përpjekjeve dhe luftës heroike të malësorëve përliri e drejtësi.

E pushtuar nga fryma revolucionare e vendimeve të Kongresit V të Partisë, rinia do ta kryejë me nder edhe këtë aksion të madh.

Marrë nga «Zëri i rinisë»

22 mars 1967



Shoku Kadri Azbiu duke prerë shirtilin e inaugurimit të rrugës së Malësisë së Madhe.

BJESHKEVE KU DO TE KALOJE RRUGA

Ne udhëtojmë nëpër bjeshkët e Malësisë së Madhe. Rruga jonë ngjitet nëpër shkrepë e zbutur në lugina, herë buzë ujërave të kulluara, herë pranë majave të mbuluara me dëborë. Këto bje-shkë veriore i ka zgjuar këto ditë një gjësim i ri. Së bashku me erërat e pranverës, së bashku me lulet e para të pemëve që lulëzojnë buzë përrënje, këndeja ka ardhur dhe një sihariq i hareshëm: në Malësinë e Madhe do të çelet rruga e maqinës. Këtë vepër të madhe partia ja beson rinisë.

Duhet të futesh thellë në zemrën e malësorit të këtyre anëve që ta përshkruash këtë gjësim. Pranë shtëpisë së tij, pranë fshatit të tij, futur tutje gërxheve e pyjeve, do të shkojë maqina! Nëpër monopatet e thepisura nuk do të shihen më fshatarë që të zbresin në qytet duke udhëtuar ditë të tëra pas mushkës së tyre. Uturima e maqinës do të përzjehet me oshëtimën e lashtë të pyjeve, do të futet në jetën e fshatarëve për ta bërë atë nië të gjuar, më të lumtur. Gazeta do të vijë më shpejt, traktori do të futet thellë e më thellë maleve, do të

priten e do të përcillen më shumë miq. Kjo uturimë maqine do ta çojë me vrull të dhjetëfishuar drithën dhe begatinë në male. Kjo rrugë e re e malësisë do të jetë si një arter i fuqishëm, ku do të lëvrijë më me gjallëri gjaku i jetës sonë.

Ne ecim nëpër bjeshtët dhe kudo shohim njërez. Shtëpitë e fshatarëve janë të shpërndara, larg njëra-tjetrës, kurse njerëzit janë tok. Këto shtëpi të shpërndara kanë mbetur si një simbol i vjetër i ndarjes, i vëtmisë. Kleri dhe regjimet antipopulllore, për ta bërë të parrezikshme përveten e tyre pushkën e malësorit, e kthyen atë në pushkë gjakmarrësi, në pushkë armiqësie vëlla me vëlla. Dhe malësori ynë u nda me vëllanë e tij, e ngriti shtëpinë larg vëllait të tij. Prandaj dhe këto shtëpi janë larg njëra-tjetrës, të vetmuara e pranë gërxheve të thepisura. Por dritha e partisë i bashkoi njerëzit. Fshatarët që takoj rrugës më tregojnë se kanë hyrë në kooperativa bujqësore, se kanë nisur një jetë të re, që kurrë s'e ka parë malësia: jetën e përbashkët, jetën vëllazërore.

Shoh grupe njerëzish që punojnë, herë këtu e herë atje, për të ngritur sektorët e rrugës. Më 1 prill këndej do të vijnë të rintjtë dhe të rejat vullnetare. Ata duhet t'i gjejnë gati tendat, mençat, fjetoret dhe gjithshka duhet për ndërtimin e rrugës. Arrijmë në një sektor, buzë një përroi malor. Këtu punojnë kooperativistët e të rintjtë e ushtrisë. Ata ngrejnë kantierin. Fryn një erë e fortë dhe e ftohtë. Më bën përshtypje një malësore që punon shpejt e pa pushim. Gërmont me bel, hedh dheun tutje, gërmont përsëri...

- Si tē quajnë? — e pyes.
- Diella — më përgjigjet.
- Diella mezi pret t'i vijnë shoqet vullnetare ndërbyn në bisedë Dylberi.
- Po ti, do tē punosh këtu?
Ajo qesh.
- Si jo — thotë. — E kena dhanë fjalën për aksion tash tre muej ma parë.
- Po shoqe tē tjera nga fshati a do tē vijnë?
- Nja pesëmbëdhetë. Tana vullnetare kena dalë. Jena anëtare rinie.
- Më 1 prill fillon puna — i them. — Këtu do tē vijnë nja shtatëqind tē reja.
Diella buzëqesh.
- Dhe dhetë ditë, a?

Gëzimi me tē cilin i pret kjo vajzë shoqet vullnetare tē bën përshtypje. Me to do tē lidhet në miqësi, do tē mësojë kaq e kaq gjëra. Kurre s'ka parë Diella kaq shumë shoqe grumbull, shoqe tē ardhura nga vende tē ndryshme tē atdheut tonë.

Dhe si Diella gëzohen qindra e qindra vajza malësore. Kjo rrugë e re që do tē kalojë do tē sjellë tek ato miqësi tē reja, njerëz tē rinj. Pranë vullnetarëve këto vajza do tē mësojnë më shumë, do tē hedhin tutje zakonet prapanike, do tē bëhen më tē zonja pér punën dhe pér jetën. Mbrëmjeve, mbas pune, ato do tē mblichen në baraka dhe do tē dëgjojnë pér jetën e shoqeve tē tyre tē ardhura nga larg, gjithash tu do tē tregojnë dhe pér jetën e tyre këndejej në bjeshkë. Kështu do tē bëjnë si tē rintjtë si tē rriturit. Është një shkollë e madhe kjo rruga që